



UNIVERSITÄTS-  
BIBLIOTHEK  
PADERBORN

Provincia Toletana.

---

[urn:nbn:de:hbz:466:1-67086](#)

PROVINCIAM  
TOLETANAM.

34

**C**OMPLEXA EST Domicilijs quattuordecim socios quingentos vigintiunum. in Toletana Professorū Domo quinquaginta septem: in Collegio Complutensi duos supra centum: in Madriensi sexaginta unum: in Toletano quattuordecim: in Ocaniensi vigintiseptem: vnde uiginti in Conchensi: septemdecim in Talabrensi: in Placentino vndetriginta: in Securitano quattuordecim: in Villaregiensi Domo Probationis septuaginta: in Collegio Murciensi quinquaginta: in Huetensi vnde uiginti: in Bellomontensi vigintitres: in Carauacensi viginti. Naturæ concessere quindecim. Auxere Societatem tres ac triginta.

DOMVS PROFESSA TOLETANA.

**E**QUATTOR, qui e vita cessere, unus fuit Pater Alphonsus Deza, qui cum quinque fere annos, auctoritate magis quam imperio, Domui præfuisset, grauissimo correptus morbo, paucos dies decubuit, et occubuit. nescias maior ne cura ciuitatem, nostrosque, eo ægrotante, an mortuo, dolor incesserit: fuit e-

Y 3 nim

nim is, cuius et vitam amor, et mortem luctus  
communis, insignem fecere. Ceterum ad no-  
stram ædem magnus pœnitentium concursus,  
vt diebus celeberrimis communicent ad duo  
millia. Ut in frequenti yrbe, euocamur ad æ-  
grotos quotidie. Nullus est deinde carcer, nul-  
la puerorum schola, nullum nosocomium, quo  
non sæpius hebdomada nostri subsidio mittan-  
tur. adiuti etiam qui agebantur ad supplicium.  
in præcipuis cœnobijs virginum cohortatio-  
nes habitæ : et earum confessiones exceptæ.  
Doctrina Christiana sollemni more decanta-  
tur : explicatur pueris adultisque, diebus Do-  
minicis, in platea per ampla : ad extremum ad-  
hibetur concio cum ingenti vtilitate. Toto e-  
tiam fere anno, sex e nostris sacerdotes obie-  
runt diœcesim, cum labore peræque ac fructu.  
At in yrbe actum de remittendis iniurijs, de  
abigendis pellicibus, de vitijs exterminandis.  
adiutus sæpe diuini verbi pabulo, auditusque  
cœtus mulierum, quæ se emerserunt e gurgite  
libidinum. Pium Sodalitium, quod proxime  
diximus excitatum vtilitati eorum qui in car-  
cere attinentur, quotidie et virorum numero,  
et magnitudine operum augescit. hi super ce-  
tera id sibi studio ducunt, vt diebus festis ho-  
mines egentes ac sordidos adducant ad rem  
diuinam audiendam, quod alioqui facturi non  
videbantur. Alterum, virorum principum,  
et opulentorum Sodalitium non minus vtile,

aliquo-

aliquorum obitu elanguerat: huius illud erat propositum, ut in perwigilijs Christi nascentis, et existentis ab inferis, obærati nexique, re cum creditoribus composita, dissoluerentur: sed vnius e nostris oratio effecit, ut restituitetur opus inceptum ad gloriam Dei: atque hoc ipso anno omnes debitores, cum satis esset factum eorum æri alieno, e vinculis emissi. qua in re non parum enituit benignitas Cardinalis Toletani. Dux Feriæ in nobis amandis fouendisque antiquum suum obtinet. is obiturus oppida ditionis suæ, vnum e nostris habere voluit comitem viæ, et socium laborum, in ijs quæ pertinent ad officium Christianum: nec consilium illius vanum, aut nostri sacerdotis opera inutilis fuit. Ex hac Domo, quod factum est quinque annis continuis, itum Quadragesima ad Pontem Archiepiscopi (oppidum est huius diœcœsos) omnesque ad cælestem mensam rite præparati, et ad mutuam concordiam multi adducti.

## COMPLVTENSE COLLEGIVM.

**E**CENTVM VIGINTI duobus, qui fructuose exerciti commentationibus Patris Nostri Ignatij, summæ spei adolescentes viginti sex in Societatem nostram adscripti. De publicis custodijs verbo instructis, confessione purgatis, menstruo conuiuio refectis: de

Y 4 ijisdem

ijsdem fere muneribus erga pauperes in xenodochijs, de doctrina Christiana, vicatim pagatimque tradita, de exercitationibus litterarijs, de ceteris denique officijs nostri ordinis, quæ dici possent, sunt cum annis superioribus communia. huic proprium, quod, vbi auditum est de obitu Patris Alphonsi Dezæ, qui multos iam annos sacram Theologiam in hac florentissima Academia summa cum laude docuerat, tanto cupido cepit omnes religiosorum ordines celebrandi eius exequias, ut communis parenti parentare velle viderentur. præ certis extitit studium Academiæ: nam et decreuit honorem patri amplissimum, et edixit omnibus, quos habet subiectos, contra iurisurandi formulam commissurum, quicumque faciendo funeri non interesset. igitur conuenere in nostrum templum, qui dabant operam litteris, ex omni ætate atque ordine, quantæ non alias multitudo, et ipse Gymnasiarcha stipatus nobili Professorum et Collegarum corona, tanta cum pompa, et significatione mæstrix, ut religiosum licet hominem, et absentem mortuum, prosecuti sint ijs sollemnibus pietatis, quæ tantum debentur extinctis in ipso munere docendi. Sed memoria Patris Alphonsi, usque in antiquorum ingeniorum comparationem euecti, constituebat illum præsentem ante oculos omnium, et ius fasque videbatur cunctis, ut lacrimis non minus, quam laudibus debitissimis desiderium

rium commune testarentur. Sed a pompa vocor ad pompam, a tristi ac funebri, ad festam lœtamque: ad eam, qua Sancti Didaci circumlatæ reliquiae celebri spectaculo. Ornata erat vrbs tota ad imaginem templi, semper quidem et alias frequens, eo autem die ita referta omni hominum genere, e locis circumiacentibus, ut vix capere posset. qua ferebantur reliquiae, spectacula multa, ac subita meniana erant edita, sedes nobilium: nec minus disposita altaria per vias, pulcherrimo ornatu, ubi intetquiescerent, qui ferebant. auxit venerationem diei pompe que Philippus rex, cum filijs, et sorore Augusta: erat ipse cum suis in tabulato præcessus, contra altare, materia pretiosum, et lucens face plurima, quod struxerant nostri: qua longe porrigebatur paries, vestiebatur regali peripetasmate, super quod extensa carmina multigena, argumentum rei, et legentium oblectamentum. Congregatio Deiparæ constituta anno superiore in Collegio nostro, in dies fit melior atque auctior: aucta etiam nostra domus, et supellex templi, atque ædificatio suburbana. sed hæc omitti possunt: illa non debent, quæ effecta, cum Dei auxilio, in excursione frequenti ad oppida vicina: quamquam hæc quoque cum modo. Consaburo vrbs est Carpitanorum peruetus et clara, beatum Gregorium Ostiensem Episcopum, cuius viuentis mortuique experta est saepe patrocinium, tu-

tela-

telarem habet : ipsius die anniversario vocatus est unus e nostris ad concionandum, tanto concursu hominum, ut cum intra templum, capax licet et amplum, plurimi non admitterentur, suggestu posito in limine concionari debuerit : et secutus tantus animorum motus, ut sacerdotem cuperent apud se versari ad aliquot menses: verum discedendi necessitas urgebat. Pridie Ascensionis Dominicæ ad oppidum venit, Manzanares vulgo appellant: erat in hoc oppido, cum curiales dissiderent a curione, a clericis monachi, optimates a popularibus, tanta animorum voluntatumque distractio, ut discordantibus membris, nihil aliud timeres nisi corporis interitum. triduum hic posuit pater, et adiuuante Deo auctore pacis, flexit omnes ad concordiam; atque ex mutuo nexu diversitatis effecit complexum insolubile. Hinc profectus in alterum oppidum (Vallem rupium indigitant) comiter et officiose admodum exceptus est. et proprius aberat dies Pentecostes: verum, tantum tenebat oppidanos desiderium audiendæ concionis, ut feria quinta priore, fuerit habenda, tanto in hominum cœtu ac silentio, ut nec similem umquam attentionem concionator, nec populus ipse viderit frequētiam. par extitit fructus. Confirmatū Sodalitium, institutum anno, ab eodem sacerdote, et Mariæ Virgini sacrum. sodalium porro munus est intendere animum in salutem proximorum, pro-

pria

pria non neglecta . multorum præterea amici-  
tia reconciliatæ bono publico : et aliquot mu-  
lieres ita conuersæ ad pudorem, deserta nequi-  
tia, in qua diu habitauerant, ut admirabile sit,  
quantum lumen virtutum ex illis tenebris e-  
nituerit. Cum sesquimensem in hoc oppido no-  
ster esset commoratus , Almagrum se contulit.  
Almagrum oppidum est Oretanorum, frequen-  
tia ciuum , et soli vbertate inclytum, et caput  
militiæ Calatravensis : hic quotidie sermo ha-  
bitus ad populum : bis hebdomada explicatæ  
qæstiones de officijs Christianis: diebus festis  
tradita capita diuinæ legis , alliciente cantu  
instituta piorū Sodalitas, cui a præcipua Chri-  
sti corporis veneratione cognomen est: eius cu-  
ra menstrua Octouirum est, quattuor e Clero,  
totidem e plebe : nec credibile quanta fuerit  
omnium lætitia, quo primum die indicta suppli-  
catio nouæ Congregationis. Narrari hic de ex-  
cursionibus alijs eiusdem sacerdotis, complu-  
ra possent . sed nos breuitatem sequimur , per-  
fringentes fere communia, sed tamen necessaria  
non omittentes.

MADRIDIENSE COLLEGIVM  
et Ocaniense.

MADRIDI habitæ conciones in fa-  
cello regio, sacrarumque cœnobio vir-  
ginum

ginum nudis pedibus incedentium (vbi Maximiani foror Augusta) et nostro in templo, alijs denique locis, quo nostri vocantur: nec verbum vacuum reuertit ad dominum. vita emendatio in multis, generalis etiam confessio, et frequens Eucharistiae perceptio, secura est. mulierculae aliquot meretricium cum coenobio matrimoniove mutarunt. reliqua cum alijs annis communia.

A T O C A N I A E sacerdotis cuiusdam in adiuuandis proximis virtutis indefessæ, fuisse quam maxime potuit popularibus studijs concelebratum est. Domi forisque conciones frugiferæ. institutione fidei, præeunte cantu, et præmio consequente, formati pueri rudesque in foro frequenti. virgines multæ angustias coenobij opulento coniugio præoptarunt. Puerorum virtus nostris magistris adolescentitatem auxit cupiditatem discendi elegans drama splendidumque, datum per eos in publico, magna spectantium gratulatione. Reginæ Angelorum Sodalitia duo, virorum, adolescentiumque, et studio et numero crescunt. De adolescentibus hoc addam: lætum esse ciuibus, gratumque, cum matutinis sacris ad ostensionem sacrosanctæ hostiæ, calicisque salutaris, nudato capite, reiectoque pallio, expediti extollunt accensas faces, in morem regiæ cohortis: ex his nonnulli in varios religiosorum ordines se contulerunt. Comuictorum, quorum domicilium adiunctum ædibus

etibus nostris, minor quidem frequentia hoc anno, sed maior industria fuit. Adulta aestate, nostrorum Seminarium qui in Prouincia ad humanitatem informantur, in hoc Collegium translatum est: atque eorum profectus expectationi respondet. Ceterum, quoniam Oceania cingitur quasi corona nobilium oppidorum, missi frequenter nostri in paratum agrum et fertilem, diuini verbi semina iecerunt.

### COLLEGIVM MVRCIENSE et Caraueacense.

**I**N MVRCIENSI Collegio placuit figi domicilium Theologorum. et iam sedecim censemur. nec deseruntur studia Latinæ linguae. Bacchanalibus data est Tragœdia apparaata et magnifica, beatæ Ursulæ, et sociorum vndecies mille: sub idem tempus, vnius ex illis virginibus caput in templo nostro collocatum. Sacrum instrumentum auctum: et spes est Collegij rerum meliorum: nunc enim premitur ære alieno. Cum inimicis in gratiam, et cum Deo, nostris admittéibus, rediere nonnulli. admirabile spectaculum præbuere duo facinorosi homines damnati ad mortem: ijs consilio auxilioque nostrorum, tanta lacrimarum vi, propter recordationem Dei offensi, tanta rursus lætitia, propter debitam scelerum pœnam imminentem, gradiebantur ad suppli-

supplicium , vt alacritate subeundæ pœnæ voluntariam pœnitentiam testarentur . Piorum cœtus , in procuratione xenodochij et carceris suscepta vtiliter perseuerat , eamque ad rem vtitur ope nostrorum . singulis mensibus nœxi confessione purgantur , recreanturque Angelorum pane , mox etiam conuiuio frugalium CARAVACAE in erudienda iuuentute , pueritia instituenda , audiendis , adiuuandisque ægrotis , obeundis pagis , opera fructuose impensa .

## BELLOMONTENSE COLLEGIVM

SCHOLAE . QVATTVOR , discipuli amplius sexcenti , plures futuri , si aut annona , aut disciplina nostrorum laxior fuisset at nostri instituti est , vt non numerentur auditores , sed æstimentur : pluris enim est paucitas astricta legibus , quam multitudo licentia impunita . Et huius tamen paucitatis non exiguis fructus . Existit ex ea Sodalitium Deiparae religiosorum rudimentum hominum , siue incrementum . Præpositus quidem Franciscanæ Prouinciæ Seminarium suum appellat gymnasium nostrum : e quo , vno anno , accepit adolescentes viginti . unus in Societatem adscriptus : nec defunt alij qui eodem desiderio tenentur . Ceterum reliquo etiam oppido opera data : octo sacerdotes destinati audiendis confessio-

fessionibus Quadragesima : ex his unus totius  
vitæ sexaginta amplius accepit. de fructu om-  
nium , etiam me tacente iudicari potest . Lu-  
panar , magna pernicies oppido non ita ma-  
gno , nostrorum admonitu sublatum , difficulti  
admodum principio , sed non improspero fine .  
custodiæ quorumdā beneficio subleuatæ:adiuti  
suspēdiarij subsidio solatioque nostrorum . Cū  
omnia fluenter ex sententia , mors intercessit  
Dominæ Franciscæ Pontiæ a Leone fundatri-  
cis nostræ , quæ illustri loco nata , virtutū expe-  
rimentis , et nobilitatem generis , et infirmita-  
tem sexus , supergressa est . omnes illa procos  
exosa , propter Christi amorem , virginitatem  
seruauit : tantaque patientia , et robore mentis ,  
vix intermittentes languores corporis , et an-  
gores animi tulit , ut admirationi esset . mortua  
est cum annum ageret trigesimum : reliquit no-  
bis annum censum aureum millennium , oliueta  
præterea duo , et tria vineta non inculta , atque  
in his fundum ornatum instructumque , cuius  
supplex , etiam soluto ære alieno , mille aureis  
æstimatur . funere magnifico eius corpus elat-  
um sepultumque est , vniuerso ducente Clero  
cum precibus , Belloque montensi Senatu , et po-  
pulo , non sine lacrimis persequente . Nouemdia-  
les fuerunt exequiæ , et per dies singulos con-  
cio in nostro templo , honori mortuæ : nec ma-  
gis solatio superstitione , quam æmulationi po-  
sterorum : eius enim exemplum secuta alia no-  
bilis

CORP

bilis virgo, post suam, ac sororis mortem; legavit magnam pecuniam alendis adolescentibus, qui dare operam litteris paupertate prohibentur.

## COLLEGIVM HVETENSE.

**I**N EVNTE IVLIO sex e nostris ad annorum messem profecti, suos manipulos retulerunt. Sed atque lites, odia composita, plebs rusticana Christianis initij instructa. Quodam in oppido vir accepta alapa ita exarserat, ut dictaret iracundiam non nisi sanguine posse restinguiri: at eam sacerdos molli sermone ita infregit, ut ipsemet ultra accideret ad illius pedes, cuius ultionem meditabatur. In altero vir reductus in gratiam cum Parocho, a quo periculose dissidebat. Rursus in alio unus erat ita infestus insensusque Curioni, ut pestifero mendacio accusaret illum violatae confessionis: atque id eo animo, ut eius exemplo ceteri a confitendo deterrerentur. hunc quoque ita placauit Deus, uno e nostris interprete, ut petierit veniam multis praesentibus: et retractatio criminis in satisfactionem cesserit. Vxores duxerant duo inuitis parentibus, propterque eam causam inter illos irae ac rixas: sed hi etiam nostrorum opera reconciliati. Mitiatus similiter sacerdos, qui unum iam annum cum quodam e ciuibus gerebat inimicitias plus quam

quam ciuiles. Ceterum, ut aliquid de vrbe ipsa. Scholastici omnino quadringenti, pluris fructu, quam numero faciendi, ineunte anno recitata oratio perelegans ad eos excitandos, ex eunte, data comœdia, admirabili artificio, augendæ pietatis. Instituta etiam Congregatio sacerdotum magno delectu: ex ea speratur fructus, si ad Romanā aggregetur præcipue, quod flagrante studio contendit.

**SECVRITANVM, PLACENTINVM,**  
Talabrigense, Collegia.

**E**X SECVRITANO egressi socij in vicinos pagos: et fuit pretium egressus. In quodam oppido constituta Sodalitas, cuius cura et industria in Eucharistiæ cultu. primarij duo viri discordes pacificati.

**N E C M I N V S** laboratum in Placentino. Dum excurrunt nostri, mulieri, quæ voluntaria morte subtrahere se properabat atrocitatim mariti, persuasere, ut retineret vitam, seque cum illo reconciliaret. Duo item, priuata odia, e quibus magni tumultus metuebantur, publicis utilitatibus remisere. quod et impetratum a duobus alijs paribus, eodem euentu.

**T A L A B R I C A E** grauis peste, et contagione annus, morbo nostros affecit, eisdemque materiam attulit opis afferendæ laboratibus. et vtroque tempore eorum religio spectata est, Ter ad varia loca sacerdotes dimissi, ad ea

præsertim, quæ hactenus inculta: et spem afferit  
seges uberrimi prouentus: ea ne luxuriet, tem-  
pestiuia repetitione prouidendum est.

**C O L L E G I V M T O L E T A N V M , E T**  
**reliqua .**

**I**N TOLETANO Collegio Scholastico-  
rum disciplina et pietas efflorescit: multi se  
in portum religionis contulerunt, ventos alij  
ferentes expectant. itum frequenter a nostris  
ad ægrotos, in publico valetudinario, domive  
decumbentes. cum sacerdos egressus esset do-  
mo, causa negotiorum, euocatus repente est  
ad hominem moribūdum, quem vox sensusque  
defecerat. dat se ipse in preces, Deum orat tan-  
tisper ad se redeat ægrotus, dum prospiciat  
nimæ. exauditus est. expperrectus æger muni-  
uit se Ecclesiastico omni instrumento, demum  
placidissime obdormijt. Sodalitium beatissi-  
mæ Virginis, quod pæne consenuerat, instan-  
ratum est vnius e nostris concionatoris indu-  
stria, tam lætis incrementis, vt fere præstiterit  
exaruisse, quo tam feliciter reuiresceret. habi-  
ta est eo die opportuna concio in templo, c*l*-  
ius parietes decorabantur carmine, sericoque  
apparatu pulcherrimo.

**C O N C H E N S E C O L L E G I V M** tum  
domi erudienda pueritia litteris, Christianis-  
que elementis: quod fit læta ciuitate, celebri-  
que pompa: et quattuor mulierculis e turpiore

vita

vita collectitia stipe honeste collocandis (vt  
duo aureorum millia dominis restituta , alia-  
que similia , mittantur ) tum etiam foris , non  
inutiliter laborauit . In Celtiberiæ finibus po-  
puli sunt , re non multum ab nomine abluden-  
te, Infatuatos appellant . ita locorum asperitas  
hominum quoque ingenia efferauit . rarus apud  
eos sacerdos : religiosorum ordo fere nullus:  
ignotum omnino nomen Societatis . rogante  
Episcopo Conchensi , ad cuius procurationem  
pertinet , duo e nostris eo destinati , alloquio cō-  
gressuque , cum partem temporis nullam ab ijs  
adiuviandis sibi vacare pateretur , breui ita pro-  
fecerunt , vt ex feris immanibusque mites reddi  
derint ac mansuetos . Igitur auditæ conciones:  
auide cōfessio v̄surpata: percepta religiose Eu-  
charistia a multis: nec quicquam sine lacrimis:  
grates quippe agebant Deo , cuius beneficio tā-  
quam emersi e tenebris illata luce l̄tabantur .

VILLA REGIA Tyrone informat ,  
perficit veterans : vtrumque magna diligen-  
tia : frequenti enim exercitatione non langue-  
scunt otio , et comparant se ad assiduos labores  
in vinea Domini tolerandos . Schola pueror-  
um et vtilitate crescit , et numero . Vocamur  
etiam ad oppida vicina , non sine fructu . Cete-  
rum Fundatrix nostra adhuc superstes , aucta re  
domestica domoque , cumulauit suam erga nos  
beneficentiam . nostrum est gratias illi apud  
Deū agere , et fateri beneficia , quæ accepimus .

Z 2 PRO-